


Utoqqaat Illersuisuat

UKIUMOORTUMIK NALUNAARUSIAQ 2022





Saqqummersitsisoq aaqqissorneqarneralu: Utoqqaat Illersuisuata allattoqarfia

Ilusilersuisoq: iCICERO ILUSILERSUISARFIK GRAFISK PRODUKTION,
Noorlernut 10 – 001, Postboks 2001, 3900 Nuuk, +299 55 32 55, nuno@icicero.gl

Naqinnerit atukkat: Frutiger 10,5/14

Ukioq saqqummerfia: 2023

Amerlassusaat: Taamaallaat nittartakkamut inissitassatut.

Piginnittussaataasooq: Utoqqaat Illersuisoqarfiata allattoqarfia, +299 34 50 00, utoqqaat@nanoq.gl,
Kissarneqqortuunnguaq 16 – 003, 3900 Nuuk, GLN nr. 43721933

Utoqqaat Illersuisuata allaffeqarfiani 2022-mi januaarimiit decembarimut suliat



Utoqqaat Illersuisoqarfia 2022-mi januaarip tallimaani Kissarneqqortuunnguaq 16-003-mi allaffittaarpoq – blokimi sungaartumi allerpaamiilluni.

JANUAARI

Internetimut attavininneq

Kissarneqqortuunnguaq 16-003-mi allaffeqarfik 2022-mi januaarip 5-iani internetimut attavinippoq, kingorna allaffimmi sulisinnaalerpunga.

Attaveqaatitigut ajornartorsiutit, soorlu nittartakatigut ikiortit Tusassillu akornanni suliat internetimut printerimullu attaviit allanillu peqquteqartut pissutigalugit ulluinnarni allaffissornikkut suliasat aallartikuminaaqaarput.

Utoqqaat illuini covid-19

Covid-19-i pissutigalugu sineriammi utoqqaat illuini killilersuutit pillugit aamma killilersuutit utoqqarnut qanoq nassataqarnersut kommunini ingerlatsisut allakkatigut saaffigalugit paasiniaaffigaakka.

Kommunini ingerlatsisunut saffiginnissutikka tamakkiisumik akissuteqarfigigineqanngikkaluartut, akissuteqartut akissutaat aallaavigalugit utoqqaat illuini killilersuinerit pissutigalugit utoqqaat kiserliormata killilersuisoqarnerata nalaani utoqqaat ilaatigut attaveqaatit aqqutigalugit ilaquuttaminnik attaveqarluarnissaat eqqumaffigeqqullugu kommuninut kaammattuillunga 3. februar 2022 tusagsiutinut nalunaaruteqarpunga. Taanna uani atuarneqarsinnaavoq:

<https://utoqqaat.gl/2022/02/03/utoqqaat-angerlarsimaffiinik-matusinerit-utoqqarnik-kiserliortitsivoq/>

Inatsisilerituup Najattaaq Mathiassenip allaffissornermi atorfilittatut Utoqqaat Illersuisuani atorfininissaa kiisalu allaffittaatta atuutilernera pillugu ulloq taanna aamma tusagassiuutitigut nalunaaruteqarpugut.

Puiortunngortut atugaat pillugit suliakkiut

Kattuffik Utoqqaat Nipaata 2021-imi decembarimi ataatsimeersuarnerani alaatsinaattutut peqataanninni qulequttat uannut suliasiissutigineqartut ilagaat nunatsinni puiortunngortut atugarisaat pillugit paasiniaanissaq, suliaasarlu tamanna januarimi aallartippara.

Suliassap ingerlannerani toqqarpara, illoqarfinni utoqqaat illuinut taamatullu angerlarsimaffinni ikiortit ningiuinut sianeqqattarneq atorlugu paasiniaarlunga. Nunaqarfinni puiortunngortut atugaat pillugit paasiniaaninni nunaqarfinni kommunip allaffiinit sianeqattaarlunga paasiniaavungataaq.

Januarimi februarilimilu piffissaq annertooq atorlugu sianeqattaarneq ingerlappara, sianeqattaarlungali paasiniaanera suli naammasseqqissaanngilaq. Ilaatigut Avannaata Kommunianeersut aammalumi nunaqarfiit ilarpassuini sulisut suli oqaloqatiginngilakka.

Peqqissutsimut Naalakkersuisoqarfinmi puigortunngortut pillugit 2012-imi suliarineqarsimasuni angu-

niagassatut allattorsimasut arfineq-marluusut aallaavigalugit apeqqusiorlunga sianeqattaarneq ingerlappara.

Suliaq annertooq taanna naammassinissaata tungaanut ingerlatissavara, siunertaraarlu naammassigukku pisortaqaarfinni akisussaasunut ingerlateqqinneqarnissaa. Suliaq Naalakkersuisut "Utoqqaat pillugit periusissiaq"-aanni atorfilittatut suliaqartut atorussuppaat. Taamatuttaaq utoqqaat pillugit "Arktisk Aldring"-imi ilisimatusarlutik suliaqartut misissuinerup inerneru soqutigalugu saaffiginnipput.

Sineriammi utoqqaat peqatigiiffii aammalu Kattuffik Utoqqaat Nipaata Utoqqaat Illersuisoqarfianit siunnersorneqarlutillu assigiinngitsutigut kaammattorneqarlutik sullinneqartussaammata Utoqqaat Nipaata-ni 2021-mi decembarimi ataatsimeersuarsimaneq aallaavigalugu 2022-mi januaarip 14-iani tusagassiuutitigut nalunaaruteqarneranni ikiorlugit ima tusagassiuutitigut nalunaaruteqaassunneqarput:

<https://utoqqaat.gl/2020/01/14/kattuffik-utoqqaat-nipaata/>



Utoqqaat Illersuisuat nunatsinni puiortunngortut atugaat pillugit misissuissasoq Utoqqaat kattuffianni ataatsimeersuortoqarnerani kisaatigineqarpoq.

FEBRUUARI

Inatsisileritooq atorfinittoq

Inatsisileritooq aamma tusagassiortutut ilinniarsimasuusoq Najattaaq Mathiassen 2022-imi februarip aallaqqaataani Utoqqaat Illersuisoqarfiani atorfinippoq. Taasuma atorfininneratigut utoqqaat ilaqutaasullu saaffiginnissutaat sukumiinerusumik suliarineqalerput, taamatullu allaffissornikkut sulieriusissarput inissikkiartuaalerpoq, ilaatigut allagaatinik nalunaarsuummik pilersitsineq aamma pilersaarusioneqalerluni.

Ulluinnarni sulinitinni Utoqqaat Illersuisuanut inuit ataasiakkaat saaffiginnissutaat Najattaaq Mathiassenip suliarisarpai. Najattaaq Mathiassenip sulilnnginnerani inuit ataasiakkaat saaffiginnissutaat lsumaginninnermut Nalakkersuisoqarfimmi inatsisileritooq ikiortigalugu akinierneqartarput. Taamaammatt inatsisilerituumik atorfinittoqarneratigut allamut saaffiginneqqaarnata saaffiginnissutit akisinnaaleratsigit iluarisimaarnarpoq.

Utoqqaat Illersuisuata allattoqarfiata pisortatigoortumik ammaanersiorneqarnera aamma allaffeqarfimmi atorfinitsitsineq pillugu tusagassiutitigut nalunaarut uani atuarneqarsinnaavoq:

<https://utoqqaat.gl/2022/02/02/utoqqaat-illersuisuat-allaffeqarfittaarpoq-allaffissornermilu-sulisumik-atorfinitsitsilluni/>

Inuit ataasiakkaat saaffiginnissutaat amerlanertigut utoqqarnut ilaqutaasunit aammalu utoqqarnit saaffiginnissutaasarpuit. Saaffiginnissutit amerlanersaat oqarasuaatitigut saaffiginnissutaasarpuit, kisianni inatsisit tunngavigalugit sulinitinni saaffiginnissutit tamaasa nalunaarsortussaagatsigit saaffinninnittut amerlanersaat allakkatigut saaffiginneqqusarpagut aammalu uppersaasatit assigiinngitsut e-mailikkut nassiteqqusarlutigik, soorlu akissarsiat allagartaat, pisortaqqarfinnit allakkat ilaalu ilanngullugit.

MARSI

Utoqqarnut periusissiaq pilersaarusalilu allat

Puiortunngortut pillugit paasiniaaneq nangingneqarpoq. Aamma Naalakkersuisoqarfimmi "Utoqqaat pillugit periusissiamik" suliaqartut marsip

ingerlanerani qarasaasiatigut ataatsimeeqatigineqarput. Ataatsimiinnermi ilaatigut puiortunngortut pillugit misissuinnermi killiffik nassuiaatigineqarpoq. Taamatuttaaq Nuummi Utoqqaat Peqatigiiffianni ataatsimeersuarnermi peqataalluta.

Aamma nittartagaliornissatsinnut NunaMedia Design suleqatigalugu pilersaarusionarpugut.

Sulianik nalunaarsuisarnissaq pillugu ullut arlallit atorlugit qarasaasialerinnermik suliaqartumit pikkorissarneqarpugut.

APRIILI

Namminersorlutik Oqartussani sulisut nutaat apriilip 5-ianiit 8-t ilanngullugu pikkorissarneqarneranni peqataavugut, taamatuttaaq 11-iani F2 pillugu ulloq naallugu pikkorissarneqarluta.

Aamma ilisimatusartoq, issittumi utoqqaat pillugit suliniummi suliaqarsimasoq Tenna Jensen poorskinngitsiartoq ataatsimeeqatigaarput.

2022-imi ataatsimiinnerit arlaqagisut peqataaffigaagut. Februarimi SIK-ip siulittaasua Jess G. Berthelsen ataatsimeeqatigaarput, taamatuttaaq ulloq ataaseq atorlugu Kommuneqarfik Sermersuumi puiortunngortunut ataqatigiisaaarsut isumasioqatigaagut. Aamma Dansk Institut for Menneskerettigheder aqqissuussaanni qarasaasiatigut pikkorissarnerit arlaqartut februarimi peqataaffigaavut, taamatuttaaq uanga Inuit Pisinnaatitaaffi pillugit Siunnersuisoqatigiit ulloq ataaseq atorlugu ataatsimiinneranni peqataavunga.

Ataatsiminnerit peqataaffigisatta saniatigut utoqqaat ilaqutaasullu saaffiginnittut siunnersortapavut, taamatullu utoqqaat ilaqutaasullu allaffeqarfitsinnut orniguttut siunnersorlugillu oqaloqatigisarlutigik.

Ulluinnarni suliasaqarpallaannginnermi nunatsinni puiortunngortut atugarisaat pillugit illoqqarfinni nunaqqarfinnilu utoqqaat illuinut taamatullu nunaqqarfinni kommunit allaffeqarfiinut sianeqattartarlunga puigortunngortut atugarisaat pillugit paasiniaaneq ingerlattarpara. Taanna paasiniaaneq 2023-mi saqqummertussatut naatsorsuutigineqarpoq.

MAAJI

Tiliup aaqqissussaani innarluutillit pillugit isumasioqatigiinnermi maajimi peqataareerama kingorna ullut marluk Inuit Pisinnaatitaaffi pillugit Siunner-suisooqatigiit (IPS) pikkorissartitsineranni peqataariarlunga kingorna IPS-ip ataatsimiinneranni ulluni marlunni peqataavunga.

Allaffeqarfik pisortatigoortumik atoqqaarfissiorneqarpoq

Maajimi sapaatip akunnera 19-i tamaat Utoqqaat Illersuisuata Allaffeqarfiata ammaanersiorneqar-nissanut piareersaanermut atorineqarpoq, kingor-nalu allaffeqarfik maajip 12-iani ammaanersiorne-qarpoq.

Allaffeqarfiup ammaanersiorneqarnerani Nuummi illoqarfimmi inuttaasut aamma utoqqaat peqatigiif-fiinit qaaqqusat allaffeqarfitsinni ullaakkorsioqati-gineqareermata ualikkut Namminersorlutik Oqar-tussat ataanni naalakkersuisut, atorfillit aamma su-liatsinnut atatillugu suleqatit ilasseqatigiinnermut qaaquagut. Ammaanersiornermi sassaalliutit sin-neri Nuummi utoqqaat illuinut agguanneqarput; taakku aamma ammaanersiornermi malugusutsi-laarumallugit.

Upernavimmut Ilulissanullu paasisassarsior-neq

Upernavimmi Ilulissanilu utoqqaat atugarisaat pillu-git paasisassarsiorluta maajip 17-ianiit maajip 25-at ilanngullugu angalavugut. Angalanermi aamma pi-lersaarutaasimagaluarpoq Upernaviup nunaqarfia anginerpaaq Kullorsuaq ornissagipput, ajoraluartu-milli ulloq taanna angalaffissatsinni putsermat Kul-lorsuaq angunngitsoorparput.

Upernavimmut Ilulissanullu angalanerit sioqqullu-git angalinissatsinni aaqqissugassat piareersarneri piffissartornangaatsiarput; ornitassavut innuttaasu-nullu saqqummiussiffissagut arlaqaalummata.

Upernavimmi angalanitsinnit nalunaarusiaq uani alakkarneqarsinnaavoq:

<chrome-extension://efaidnbmnnnibpcajpcglclefindmkaj/https://utoqqaat.gl/wp-content/uploads/2022/10/Rejserapport-UPV2022-KAL-HIGH.pdf>



Upernavimmut Ilulissanullu paasisassarsiorluni angalaneg pivoq maajip 17-ianiit 25-iata tungaanut.

JUUNI

Nittartagaq saqqummiunneqarpoq

Utoqqaat Illersuisoqarfiata nittartagartaava www.utoqqaat.gl juunip 3-ani saqqummiunneqarpoq. Nittartagartaatta pilersinniarneqarnera suliangaat-siaammat saqqummiussinnaagatsigu nuannaarutigeqaarput. Nittartakkami oqaatsit marluiit - kalaallisut danskisullu - atorlugit paasissutissiisarpugut.

Utoqqaat Illersuisoqarfiata nittartagartaarnera pil-lugu juunip pingajuani ima tusagassiuutitigut nalu-naaruteqarpugut:

<https://utoqqaat.gl/2022/06/07/tusagassiorfinnut-nalunaarut/>

Juunip ingerlanerani Utoqqaat Illersuisuanit siun-nersortinniarlutik saaffiginnittartunik amerlatsik-kiartuinnartunik siunnersuinerup saniatigut Uper-navimmut angalisamanitsinnit nalunaarusiap ka-laallisut danskisullu suliarineqarnera ingerlanneqar-poq.


JUULI

Sulinngiffeqarneq napparsimasoqarnerlu

Aasaanerani sulinnngiffeqarneq juulimi pivoq, ajo-raluartumillu aamma napparsimasoqarnera pissuti-galugu ulluinnarni suliassat angummanniarfiusumik suliaqarfiupput.

Napparsimasoqarneranut atatillugu aasaanerani sulinnngiffeqarnerup nalaani allaffeqarfik ullormut nalunaaquttap akunnerini sisamaannarni, tassalu ullaakkut quliniit ualikkut marlut tungaannut am-masarpoq.

Napparsimasoqarnerani aamma sulinnngiffeqarto-qarnerata nalaani allaffeqarfiup ammanerani saaf-figinnittut sullissinnaajumallugit juulimi piffissap ilaani Ilimmarfimmi ilinniartumik sulisoqarpugut. Piffissami tassani Isumaginninnermut Naalakkersui-soqarfimmi inatsilerituumik saaffeqartarpugut. Aamma Utoqqaat Illersuisuat aasaanerani sulinnngif-feqarneq tamaat siunnersuisinnaallunilu saaffigine-qarsinnaasimavoq.



Nittartagaq www.utoqqaat.gl 2022-mi juunip pingajuani saqqummiunneqarpoq.

AGGUSTI

Qasigiannnguanut angalanissaagaluaq taa-maatiinnarneqartoq

Aggustimi piffissap ilaa suli sulinngiffeqarfiuvoq. Allaffeqarfimmi suleqataasup Inatsisartut Ombudsmandiata Qasigiannnguani utoqqaat illuanni nakku-tillliartorluni angalanerani ilaasussaanera pilersaarutaasimagaluarpoq. Qasigiannnguanut angalaner-mut atatillugu suleqataasup Uummannami aamma-lu nunaqarfimmi Saattuni paasisassarsiorluni anga-lanissaa aamma pisussaasimagaluarpoq. Pilersaarutaasimagaluartulli tamarmik napparsimasoqarnera pissutigalugu taamaatiinnarneqartariaqarsimapput.

Allaffeqarfimmi suliassat nalinginnaasut, soorlu in-nuttaasunit saaffiginnissutit piffissami tassani inger-lanneqarput. Napparsimasoqarnerani lsumaginnin-nermut Naalakkersuisoqarfimmi inatsisileritooq pi-sariaqartillugu siunnersortitut atorlugu piffissami tassani innuttaasunik siunnersuineq pisarpoq.

Utoqqaat Illersuisuata pisussaaffini naapertorlugu Kommune Kujallermi angalanissaq aggustip inger-lanerani pilersaarusiorpaa. Pilersaarusiorneq anner-tungaatsiarsimavoq, tassami aningaasartuutit anni-kinnerpaaffianiitinniarlugit nunaqarfik ataaseq aammalu illoqarfiit marluk - Alluitsup Paa, Nanor-talik aamma Narsaq kisiisa angalaffissatut aalaja-ngiunneqarput. Utoqqaat atugarisaat pillugit, utoq-qarnik sullissisut aammalumi utoqqarnut ilaqutaa-

sut atugarisaat paasiniaaffigalugit angalanissamik pilersaarusiorneq ingerlanneqarpoq.

SEPTEMBARI

Septembarip aallartinnerani allaffeqarfimmi sulias-sat ilinniartuq ullormut nalunaaquttap akunnerini sisamani sulisartuq peqatigalugu isumagineqartar-put, saniatigullu Kommune Kujallermi angalanissap pilersaarusiorneqarnera ingerlanneqarluni.

Kommune Kujallermi paasiassarsiorneq

Illoqarfimmi nunaqarfimmilu taaneqareersuni paasi-sassarsiorluni angalaneq pivoq septemberip 12-ia-niit septembarip 18-iata tungaanut. Angalanermi tas-sani Kommuneqarfik Sermersuumi utoqqaat illuan-ni puortunngortunik suliaqartoq, pikkorissartuar-tarninilu tunngavigalugu puortunngortut sullinne-qarnerat pillugu ilisimasaqarluartoq, Kristoffer Ege-de Utoqqaat Illersuisuata angalaqatigaa. Kristoffer Egedep angalaqatigineranut siunertaavoq puor-tunngortunut ilaqutaasunut aammalu utoqqaat il-luini sulisunut illoqarfimmi nunqarfimmilu tikiffigi-sassani qaammarsaanissaq.

Utoqqaat Illersuisuata ataatsimiisitsisarnera aamma-lu Kristoffer Egedep puortunngortarneq pillugu saqqummiisarnera tikiffimmi tamani innuttaasu-nit ornigarneqarluartarmata aammalu innutaasut immersorneqartutut unnersiortarmata angalaneq iluatsilluarpoq.



Utoqqaat Illersuisuata Kommune Kujallermi angalanerani tamani ussagartut amerlapput.

NunaMed 2022-mi peqataaneq

Allaffeqarfimmi sulisoq Utoqqaat Illersuisuat sinerlugu peqqinnissaq pillugu isumasioqatigiinnermi NunaMed-imi septembarip 30-aniit oktobarip aappaa ilanngullugu peqataavoq. Peqataanermini Utoqqaat Illersuisuata puiortunngortarneq pillugu misissuisimanerani paasisat pillugit saqqummiivoq.

Utoqqaat Illersuisuat Nordisk Velfærdscenterimi isumasioqatigiinnermi

Utoqqaat Illersuisuat utoqqaat kommunini sinniiseqartinneqartarnerat pillugu Nordisk Velfærdscenterimit aaqqissuunneqartumi isumasioqatigiisitsinissami peqataajartorluni septembarip 27-aniit oktobarip 6-at ilanngullugu angalavoq. Isumasioqatigiisitsineq Stokholmimi oktobarip sisamaani tallimaanilu pivoq. Angallannermi pissutsit pissutigalugit siusi-naarluni angalasoqarpoq.

OKTOBARI

Utoqqaat Illersuisuat Nordisk Velfærdscenterip isumasioqatigiisitsinerani peqataajartorluni angalagami sivilisuaamikk Københavnimi unnuisarfimmi najugaqarpoq, tassanngaanniillu Naalagaaffiit Peqatigiit utoqqarnut ullorititaannut atatillugu ima tusagassiuutitigut nalunaaruteqarpoq:

<https://utoqqaat.gl/2022/09/30/der-er-for-store-forskelle-i-aeldres-livsvilkaar-i-groenland/>

Utoqqaat Illersuisuata allaffeqarfianit tusagassiuutitigut saqqummiussisarneq ilutigalugu innutaasunit saaffiginnissutinik suliat amerlatsikkaluttuinnarput. Siunnersuinerit saniatigut Utoqqaat Illersuisuat Inuit Pisinnaatitaaffii pillugit Siunnersuisoqatigiit aaqqisuugaanni, ilaatigut oqaatsit pillugit isumasioqatigiinnermi aamma peqataavoq.

NOVEMBERI

Soraartoqarneq atorfinitsitsinerillu

Utoqqaat Illersuisuata allaffeqarfia novembarimi ulapaarfiungaatsiarpoq.

Utoqqaat Illersuisoqarfiata aningaasaqarnera 2021-mi aamma 2022-mi Isumagininninnermut Naalakkersuisoqarfimmit isumagineqarsimasoq Utoqqaat

Illersuisuata allaffeqarfianit 2023-mi januaarip aallaqqaataaniit namminerisamik isumagineqartussaalerneq pissutigalugu allaffissornikkut suliasat annertuut ingerlanneqarput.

Tamatuma nalaani inatsisilerituup 2021-mi atorfinittup Utoqqaat Illersuisuata allaffeqarfiani suleqataasutut soraarnissi nalunaarutigimmagu, suliallu annertuut suliarineqarmata Utoqqaat Illersuisuat sulisussarsiortariaqalerpoq.

Avataanit sulisut marluk ullup affaani suligallartusatur novembarip 14-iani sulilerput. Taakku suliasanut sungiusarnerisa saniatigut Utoqqaat Illersuisoqarfiani ulluinnarni saaffiginnittorpassuanngoraluttuinnartut sullinneqarput, taamatullu Kommune Kujallermi angalasimaneq pillugu nalunaarusior-toqarluni.

Utoqqaat Illersuisuat MitID-ip atuutilernerani utoqqaat ajornartorsiutigisaat pillugu tusagassiuutitigut novembarip 25-ani ima nalunaaruteqarpoq:

<https://utoqqaat.gl/2022/11/25/utoqqaat-mitid-mit-susinnaajunnaarsinneqarput/>

DECEMBARI

Aningaasaqarnerup isumagineqalernissanut piareersarneq

Utoqqaat Illersuisoqarfiani aningaasaqarnerup namminerisamik ingerlanneqalernissanut piareersaatit decembarimi ingerlanneqarput. Tamatumani naatsorsuuserisoq suleqatissatur isumaqatigiissusiorfigineqarpoq, taamatuttaaq Isumagininninnermut naalakkersuisoqarfimmi atorfilittat suleqatigalugit, assersuutigalugu kukkunersuineq aamma aningaasanik missingersuusiornissaq tamakkiisoq piareersarneqarpoq. Ilaatigut aamma aningaasanik aqut-sinissami periusissat piareersarlugit Deloittemit peqataaffigineqartumik ataatsimiittarnerit ingerlanneqarput.

Kommune Kujallermi angalasimanerimi nalunaarusiaq inaarsarlugu allanneqarpoq.